

«Алтын ұя» жеке бөбекжай - бақшасы

Ата- аналар жиналысының хаттамасы

(Еркемай ортаңғы тобы)

2024-2025жж

Ата-аналар жиналысының хаттамасы №1

01.09.2024ж.

Қатысқандар: 22

Қатыспаған: 3

Тәрбиеші: Едресова А.Н.

Хатшы – Сүндетова А.Д.

Күн тәртібінде

1. Ата-аналарды күн тәртібімен таныстыру
2. Оқу-тәрбие жұмысымен таныстыру
3. Ата-аналармен жиналысты ұйымдастыру, өткізу
4. Көңіл көтеру, тренинг ертеңгілік мерекелеріне ата-аналарды қатыстыру

Тыңдалды:

1. Ата-аналар жиналысын балабақша әдіскері Мусағалиева Гулшат Утемисовна ашып ата-аналарды оқу жылымен құттықтады. Балабақшаға келген әрбір бала осы балабақшаны бітіріп кеткенге дейін осы үйдің бөбегіндей болып тәрбиеленеді, білім алады, жан-жақты дамиды. Балаларыңыз балабақшаға келгеннен кейін, тәрбиешілер олармен жеке жұмыс жүргізеді. Балабақшаға бекітілген күн тәртібі бойынша жұмыс жасайды. Яғни таңертеңгілік жаттығу, таңғы ас, ұйымдастырылған оқу і-әрекеттері, серуен, түскі ас, түскі ұйқы, ұйқыдан ояну, бесінді ас, ойын түрлері-барлығы өз уақытымен өткізіліп отырады. Бұл топ балалары 3 жас аралығы болғандықтан, ортаңғы тобы деп аталады. Яғни "Еркемай" тобы деп аталады. Тәрбиешісі: Едресова А.Н.

2. Тәрбиеші Едресова Акбобек ата-аналарды балабақшаның келісім шартымен таныстырып, оны әр ата-анаға таратып берді. Келісім шарт балабақшаға келген күннен бастап із күшіне енеді. Және бір жылға жарамды. Келісім шарттың барлық бөлігіндегі міндеттерді орындау екі жақтың міндеті. Әр айдың 10-на дейін балаларыңыздың тамақтануына төлемақыны уақытылы төлеуге міндетсіздер. Азанғы 8:30 дейін әкеліп кешкі сағат 18.00 дейін алып кетулерін және үстін таза ұстауларын ескертті.

Тәрбиеші: Едресова А.Н. ата-аналарға ұйымдастырылған оқу іс-әрекеттерімен таныстырды. Әдістемеліктерді атап өтті. Және де әр мереке сайын ертеңгілік өтіледі, мерекеде балаларға тақпақтар өлеңдер, билер үйретіледі. Мерекеге сай балаларыңызды киіндіріп жібересіздер. Ата-аналар пікірін айтып өтті.

3. Тәрбиеші: Едресова А.Н. ортаңғы тобы балалардың психофизиологиялық даму ерекшеліктеріне тоқталып өтті.

4. Бұл жастағы балалар ересектермен қарым-қатынас жасауға өте ықыласты болады. Әртүрлі сұрақтар қойып, өздері білетін ертегілерді. Бар ынтасымен айтып береді. Фонематикалық есту, түсті ажырату, көз қыралығы, заттардың пішінін ажырату, қабілеттері жетіле түседі.


Ата-аналар арасынан бір ауыздан қолы бос жауапкершілігі мол. Ата-ана комитетін сайлады.

Олар: ата-ана комитетінің төрайымы: Гульайым ата-ана
Наргиза ата-ана
Мейрамгул ата-ана

Жиналыс қаулы етті:

1. Балабақша күн тәртібі қатаң сақталсын
2. Келісім шарттың барлық келісім шарттары орындалсын
3. Балабақша іс шараларына әр бала уақытыл қатыссын

Төрайымы:
Хатшы:



А.Н.Едресова
Сүндетова А.Д

Хаттама № 2

12.12.2024 жыл

Қатысқандар: 22 ата-ана

Қатыспағаны: 3 ата-ана

Бала саны: 25

Күн тәртібінде

- 1.Балалардың сөздік қорын молайту
- 2.Жаңа жыл мерекесіне дайындық
- 3.ата-аналарға сауалнама


Тыңдалды:

Топ тәрбиеші Едресова А.Н. ата-аналарға осы уақытқа дейін балалардың жеткен жетістіктерін ата-аналарға айтып берді.Балалар ән ,тақпақ айтып, тәртіптілікке ,әдептілікке үйренді."Жаңа жыл" мерекесін өткізу,оған топ балаларының түгел қатысуы.Жаңа жылдық киімдер бөлініп берілді.Ата-аналар жаңа жылдық сыйлықтарды талқылады.Мансурдың әжесі жаңа жылдық сыйлыққа ойыншықтармен тәттілерді ұсынды.Қалған ата-аналарды келісе кетті.
ата-аналарға сауалнама таратылып берілді.Әр ата-ана сауалнамаға өз аты-жөнін жазып,сұрақтарына жауап жазып толтырды.

Қаулы:

Ата-аналар балалардың киімдерін дайындайтын болды. Ата-аналар барлығы бірауыздан ~~сыйлықтарын~~ ата-ана комитетіне тапсырып өтті.Жаңа жылдық ертеңгілінің қызықты өтуіне ат салысатын болды.

Төрайымы:
Хатшы:



А.Н.Едресова
Сүндетова А.Д

Хаттама №3

16.02.2025жыл

Қатысқаны: 19

Қатыспағаны: 6

Ата-аналармен күн тәртібінде қаралған мәселе:

1. Оқу-тәрбие жұмысындағы ІІ тоқсанның жетістігі және кемшілігі. Мониторинг.
2. 8-наурыз-халықаралық әйелдер мерекесі.
3. 22-наурыз-Ұлыстың ұлы күні.
4. «Алғашқы ұстаз-ата-ана» дөңгелек үстел

Тыңдалды:

Топ тәрбиешілері аналарды, әжелерді 8-наурыз мерекесімен құттықтады. Бірінші мәселе бойынша, тәрбиеші А.Н.Едресова балалардың жетістігімен таныстырды, мониторинг көрсеткіші бойынша әр баланың деңгейіне тоқталып өтті. Балалардың алғашқы оқу жылына қарағанда, деңгейі біршама көтерілген, яғни балалар өз еркімен киінуді, киімдерін ұқыпты етіп жинастыруды, сәлемдесуді, қоштасуды үйреніп, жақсы-жаман қасиеттердің ара жігін ажырата алуды меңгерді. Қоғамдық орындарда өзін-өзі ұстау нормаларын үйренді. Өзінің атын, тұрмыстық заттар мен жануарлардың аттарын атайды. Такпақтарды, қысқа өлеңдерді жатқа айтады.

Екінші мәселе бойынша, топ тәрбиешілері ата-аналарға көктем мезгілінің алғашқы айы -наурызда болғалы отырған екі арнаулы мерекеге балаларды дайындап жатқандарын айтып өтті.

8-наурыз мерекесі ертегі желісімен алынып, ертегі кейіпкерлеріне арнап костюмдердің тігіліп жатқанын айтты. Балалардың барлығы такпақтар айтып, ән салып, би де билейді. Балаларыңызды мерекеге сай киіндіріп әкеліңіздер деп тапсырды.


22-наурыз-«Ұлыстың ұлы күні» мерекесіне де балалардың ертеңгілік іс-шарасы болатынын және де балаларды ұлттық киімдермен әкелу керектігін айтып өтті. Балалар такпақ, ән айтып, би билеп, өнер көрсетеді. Мерекеде балалар наурыз көжеден дәм татады. Наурыз мерекесіне ата-аналардың да қатысып көрулеріне болатынын айтты. Ата-ана пікірі тыңдалды.

Жиналыс соңында ата-аналармен дөңгелек үстел өткізілді. «Алғашқы ұстаз - ата-ана» атты тақырыпта ата-аналар арасында пікірталас жүргізілді. Әр ата-ана өз ойын ортаға салды. Пікірталас соңында, қорытынды есебінде тәрбиеші ата-аналарға «Алғашқы ұстаз – ата-ана» баяндама оқып берді.

Қаулы:

1. Топ балаларымен одан әрі қарай да жұмыс жасалсын.
2. Әр бала мерекеге сәйкес киіндірілсін.

Төрайымы:
Хатшы:



А.Н.Едресова
Сүндетова А.Д

16.05.2025жыл

Қатысқаны: 21

Қатыспағаны: 4

Ата-аналармен күн тәртібінде қаралған мәселе:

1. Оқу-тәрбие жұмысындағы ІІІ тоқсанның жетістігі және кемшілігі. Мониторинг.
2. Жазғы демалысқа дайындық
3. «Гүл шоғы» тренинг

Тыңдалды:

Бірінші мәселе бойынша, топ тәрбиешісі Едресова А.Н. ата-аналарды балалардың бір жыл бойғы алған білімдері туралы қорытындылады. Балалар балабақшадан көп нәрсені үйренді.

Табиғатта өзін-өзі ұстау қарапайым мінез-құлық дағдыларын меңгерді, яғни көгалды таптамау, ағаш бұтағын сындырмау, гүлді жұлмау. Сөйлеу барысында әдептілік сақтайды. Өзінің сүйікті ертегілері мен әңгімелерін айтады. Ересектердің сұрақтарына толық жауап береді. Үстел басында өзін-өзі ұстау қарапайым ережелерін орындайды. Жақын адамдарына көмектесіп, қол ұшын беруді үйренді. Ата-аналардың пікірі тыңдалды.


Екінші мәселе бойынша, топ тәрбиешісі ата-аналарға жазғы демалыс туралы айтты. Балабақша жазғы күндері де жұмысын тоқтатпайды, жазда балалар көп уақытын серуенде өткізеді, сол себепті басына жазғы қалпақтары болсын. Жазда шынықтыру жұмыстары және іс-шаралар өткізіледі. Жазғы айларда балаларына демалыс алуларына да болатынын ескертті.

Үшінші тәрбиеші ата-аналармен «Гүл шоғы» деп аталатын тренинг өткізді. Тренингте ата-аналарға кішкене гүл шоқтары таратылып берілді, ата-аналар өздерінің гүл шоғына балабақшаға деген тілектерін, алғыстарын жазып, оны тақтада тұрған құмыраға әкеп жапсырды. Ең соңында, ата-ана мен тәрбиешінің біріккен жұмысының нәтижесі ретінде үлкен бір «Гүл шоғы» пайда болды.

Қаулы:

1. Балалар жазғы маусымға сай киіндірілсін.
2. Балалар балабақшадан себепсіз қалдырылмасын.

Төрайымы:
Хатшы:



А.Н.Едресова
Сүндетова А.Д

«Алғашқы ұстаз-ата-ана»

Халқымыздың сан ғасырдан бергі даналығына құлақ ассақ, «Адамның бақыты — балада» деген екен. Кез келген адам өзі өмір бойы қуып жете алмайтын бақыт деген құдыретті сөздің өлшемі өмірінің жалғасы ұрпағымен келетініне мән бермеуі де мүмкін. Біреу бақытын байлықтан тапқысы келсе, екінші біреуі даңқ пен атақтан, мансап пен қызметтен іздестіреді. Мұның бәрі түсінген адамға қолдың кірі сияқты нәрсе. Адамға нағыз бақытты — тәрбиелі ұрпағы ғана сыйлай алады. «Адам ұрпағымен мың жасайды» деген сөз тегін айтылмаса керек. Олай болса адам өмірінің мәні — өз ұрпағы.

Шыр етіп сәби дүниеге келген сәттен бастап ата-ана алдында нәзік те қиын, қыр-сыры мол үлкен қоғамдық міндет тұрады. Ол — бала тәрбиесі. Бала тәрбиесінде алғашқы ұстаз — ата-ана. Бала үшін үй ішінен, ата-анадан артық тәрбиеші жоқ. Адамгершілік, бауырмалдық, татулық, қайырымдылық, әдептілік, инабаттылық сияқты қасиеттер — жанұяда тәрбие балаға сөзбен, теориямен дамымайды, үлкендердің үлгісімен сіңеді. «Әкеге қарап ұл өсер, шешеге қарап қыз өсер» дейді халық даналығы. Бала кішкентай кезінен-ақ әр нәрсеге әуестеніп үлкендерге көмектескісі келеді. Бұған кейбір әке-шеше «жұмысымды бөгейсің, істеп жатқан ісімді бүлдіресің» деп ұрысып жіберуі мүмкін. Бұл қате түсінік. Керісінше, өзің жұмыс істеп жүргенде баланың қолынан келетін ісіне жағдай туғызып, оның үйренуіне көмектескен орынды. Тіпті балаға берген тапсырманың аяғына дейін орындауына төзімділікпен бақылау керектігін де ұмытпаған жөн. Өстіп баланың бірте-бірте еңбекке деген болашағына жол ашылады. Әрі істеген ісін ұқыпты да тындырымды орындауына бағыт бересіз. Баланың жақсы ісін мадақтап, терісін оң етіп түсіндіріп отырса, ол да ересектерді сыйлап, кез келген тапсырмасын орындауға қарсылық білдірмейді. Орынсыз ұрысу, зеку, сұрақтарына дөрекі, келте жауап беру немесе әділ талап қоя алмау ата-ананың беделін түсіреді.

Ата — ана — бала тәрбиесіндегі басты тұлға. Сондықтан әке де, шеше де балаларының жан дүниесіне үңіліп, мінез-құлқындағы ерекшеліктерді жете білгені жөн. Балалармен әңгімелескенде олардың пікірімен де санасып отырған орынды. Өз баласымен ашық сөйлесе алмай, сырласа білмейтін ата — аналар «Екеуміз де жұмыстамыз, кешкісін үй шаруасынан қол тимейді, баламен сөйлесуге уақыт жоқ» дегенді айтады. Бұл дұрыс емес. Баламен сөйлесуге тіпті арнайы уақыт бөлудің қажеті жоқ. Әке мен шеше ұл-өыздармен үй шаруасында жүріп-ақ әңгімелесіп, ой бөлісуге неге болмасқа. Жанұядағы жанжал, үлкендердің аузына келген сөздерді айтуы, баланың көзінше басқа біреуді сөгуі, біреудің сыртынан өсек айтуы балаға теріс әсер етеді. Бала алдында әке-шешеге үй ішінің үлкендердің әдептілік танытқаны жөн. Мысалы, арақ пен темекінің толып жатқан зиянын біле тұра, балалардың көзінше арақ ішіп, үсті-үстіне темекі тартқандар бар. «Көрінген таудың алыстығы жоқ» дейді, ертең-ақ ұл өсіп ер жетеді, қыз өсіп бой жетеді. Сонда арақ пен темекінің зиянын қалай ұқтырамыз.

Негізінен жанұяның шырқы бұзылған, ата-анасы маскүнемдікке салынған немесе жарамдық жағынан азғынданған ортада бала, жасөспірім қашанғы жиренішті көріністі, ондағы айқай-шу мен дау-жанжалға, ұрыс-керіске шыдап жүре бермек. Басқа өмір аңсайды немесе теріс тәрбиеге тез бой алдырып үлгереді, егер осы теріс жолға мүлде бет бұрып кетсе, онда бәйтеректің бір бұтағы қисық өсті дей беріңіз. Бақытсыз қыз, бұзақы ұл осыдан шығады. Сонда негізгі кінәні кімнен іздейміз?!

Бұзақылықтың басы бос жүруден басталады. Кейде сабақты жиі қалдыруға әр түрлі сылтауларды үлкендердің өзі үйретіп отырады. Бұл жағдайда балаға өтірік айтуды үйретіп отырған аңғармай да қалуы мүмкін. Жас шыбықты қалай исең, солай өседі ғой. Иә, «Ұяда не көрсең ұшқанда соны ілерсің» демекші ата-ана тәрбиесі бала өмірінде үлкен із

қалдырады. Баланың бойына барлық жақсы қасиеттерді дарыту, тіпті жанында жүрген достарына дейін мән беру, табиғат сыйлаған дарыны болса дамыту, дұрыс білім алуына жағдай жасау — ата-ананың басты парызы. Ендеше бала тәрбиесінде ұсақ-түйек дейтін ешнәрсе жоқ және сол нәрседен де қателесуге қақымыз жоқ. Бала — әр жанұяның бақыты. Олай болса, өз бақытымызды бағалай білейік.